

На Господи, воззвах, глас 6:

Господи, воззвах к Тебе, услыши мя./ Услыши мя, Господи./ Господи, воззвах к Тебе, услыши мя:/ вонми гласу моления моего,/ внегда воззвати ми к Тебе.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ – жертва вечерняя.// Услыши мя, Господи.

Стихиры Праздника, глас 6:

1. Стих: Изведи из темницы душу мою, // исповедатися имени Твоему.

Днесь благодать Святаго Духа нас собра, / и вси вземше крест Твой глаголем, / благословен Грядый во имя Господне, // осанна в вышних.

2. Стих: Мене ждут праведницы, // дондеже воздаси мне.

Таяжде стихира.

3. Стих: Из глубины воззвах к Тебе, Господи, // Господи, услыши глас мой.

Имеяй престол небо, и подножие землю, / Бога Отца Слово и Сын соприсносущный, / на жребяти безсловеснем смирися днесь, в Вифанию пришед. / Темже дети еврейския, / ветви руками держаще, хваляху гласом: / осанна в вышних, // благословен грядый Царь Израилев.

4. Стих: Да будут уши Твои // внимлюще гласу моления моего.

Таяжде стихира.

5. Стих: Аще беззакония назириши, Господи, Господи, кто постоит? // Яко у Тебе очищение есть.

Приидите и мы днесь весь новый Израиль, / яже от язык Церковь, / со пророком Захарию возопийм: / радуйся зело дщи Сионова, / проповедуй дщи Иерусалимова: / яко се Царь твой грядет тебе кроток и спасаая, / и вседы на жребя осле, сына подъяремника: / праздноу яже детей, ветви руками держащи похвали: / осанна в вышних, // благословен грядый Царь Израилев.

6. Стих: Имене ради Твоего потерпех Тя, Господи, потерпе душа моя в слово Твое, // упова душа моя на Господа.

Таяжде стихира.

7. Стих: От стражи утренния до нощи, от стражи утренния, // да уповаёт Израиль на Господа.

Честное воскресение Твое прообразуя нам,/ воздвигл еси умершаго повелением Твоим,/ бездыханнаго Лазаря друга Блаже,/ из гроба четверодневна смердяща./ Тёмже и на жребя возшед образно,/ якоже на колеснице носимь,/ языки укротевая Спасе./ Сего ради и хваление приносит возлюбленный Израиль/ из уст ссущих, и младенец незлобивых,/ зрящих Тя Христэ, входяща во святыи град, // прежде шести дней Пасхи.

8. Стих: Яко у Господа милость, и многое у Него избавление, // и Той избавит Израиля от всех беззаконий его.

Таяжде стихира.

9. Стих: Хвалите Господа вси языцы, // похвалите Его вси людие.

Прежде шести дней Пасхи прииде Иисус во Вифанию, / и приступиша к нему ученицы Его, глаголюще Ему: / Господи, где хощеши, уготоваем Ти ясти Пасху. / Он же посла их: / идите в преднюю весь, / и обрящете человека, скудель воды носяща: / последуйте ему, и дому владыце рците: / Учитель глаголет, // у тебе сотворю Пасху со ученики Моиими.

10. Стих: Яко утвердися милость Его на нас, // и истина Господня пребывает во век.

Таяжде стихира.

Слава, глас 6:

Днесь благодать Святаго Духа нас собра, / и вси вземше крест Твой глаголем, / благословен Грядый во имя Господне, // осанна в вышних.

И ныне: Тойже.

Прокимен воскресный:

Паремии:

На Литии:

Стихиры праздника, глас 1:

Всесвятыи Дух, апостолы научивый глаголати иными странными языки, / Той детем еврейским неискусозлобным повелевает звати: / осанна в вышних, // благословен грядый Царь Израилев.

Собезначальный и соприносущный, Сын и Слово Отчее, / на жребяти безсловесном седя, / прииде днесь во град Иерусалим, / Егоже херувими со страхом зрети не могут, / дети восхвалиша, с ваием и ветвymi, / хвалу таинственно

воспевающе:/ осанна в вышних, осанна Сыну Давидову, // пришедшему спасти от прелести весь род наш.

Прежде шести дней Пасхи, / глас Твой услышася Господи, во глубинах адовых:/ темже и Лазаря четверодневна воздвигл еси./ Дети же еврейския зываху:// осанна Боже наш, слава Тебе.

Глас 2:

Входящу Ти Господи / во святыи град, на жребяти седя, / потщался еси приити на страсть, / да совершиши закон и пророки./ Дети же еврейския воскресения победу предвозвещающе, / сретяху Тя с ветвми и ваием, глаголюще:// благословен еси Спасе, помилуй нас.

Слава Тебе Христе, / в вышних седящему на престоле, / и ныне чаемому с честным Твоим Крестом./ Темже веселится дщи Сионова, / радуются языцы земнии, / ветви держат дети, ризы же ученицы, / и вся вселенная научися вопити Тебе:// благословен еси Спасе, помилуй нас.

Слава и ныне, глас 3:

Прежде шести дней бытия Пасхи, / прииде Иисус во Вифанию, / возвати умерша четверодневна Лазаря, / и проповедати воскресение./ Сретоша же его и жены, / Марфа и Мария сестры Лазаревы, вопиюще к нему:/ Господи, аще бы еси был zde, не бы умерл брат наш./ Тогда глагола к ним:/ не предрекox ли вам: веру-яй в Мя, аще и умрет, жив будет:/ покажите ми, где положите его?/ И вопияше к нему Зиждитель всех:// Лазаре, гряди вон.

На стиховне:

Стихиры праздника, глас 8:

Радуйся и веселися граде Сионе, / красуйся и радуйся Церкви Божия:/ се бо Царь твой прииде в правде, / на жребяти седя, от детей воспеаемый:/ осанна в вышних, благословен еси, // Имейя множество щедрот, помилуй нас.

Стих 1: Из уст младенец // и ссущих совершил еси хвалу.

Прииде Спас днесь во град Иерусалим, / исполнити Писание, / и вси прияша в руки ваиа:/ ризы же подстилаху ему, / ведуще, яко Той есть Бог наш, / емуже херувими вопиют непрестанно:/ осанна в вышних, благословен еси, // Имейя множество щедрот помилуй нас.

Стих 2: Господи Господь наш, // яко чудно имя Твое по всей земли.

На херувимех носимый, и певаемый от серафим, / возсел еси на жребя Давидски Блаже:/ и дети Тя воспеваху Боголепно, / иудее же хуляху безза-

кóнно:/ стрóпотное язы́ков, седа́лице жребца́ прообразова́ше,/ из неве́рия в ве́ру претворяемое.// Сла́ва Тебе́ Христé,/ еди́не Мило́стиве и Человеколю́бче.

Слава, глас 6:

Днесь благода́ть Свята́го Ду́ха нас собра́,/ и вси взёмше крест Твой глаго́лем,/ благословéн Грядый во и́мя Господне,// осáнна в вы́шних.

И ны́не, тойже.

Тропа́рь Праздника, глас 1:

Общее воскресéние/ прéжде Твоея́ Стра́сти уверя́я,/ из ме́ртвых воздви́гл еси́ Ла́заря, Христé Бо́же./ Тёмже и мы, я́ко óтроцы победы́ зна́мения нося́ще,/ Тебе́ победителю́ сме́рти вопиём:/ осáнна в вы́шних,// благословéн Грядый во и́мя Господне. **(Два́жды)**

Друго́й тропа́рь Праздника, глас 4:

Спогрéбшеся Тебе́ крещéнием, Христé Бо́же наш,/ безсме́ртныя жи́зни сподóбихомся Воскресéнием Твои́м,/ и воспева́юще зовём:/ осáнна в вы́шних,// благословéн Грядый во и́мя Господне.

На Бог Господь, глас 1:

Тропа́рь пра́здника, глас 1: (Два́жды). Сла́ва и ныне: ин тропарь, глас 4:

«Ангельский собóр» не поется.

Велича́ние Пра́здника:

Велича́ем Тя,/ Живода́вче Христé,/ осáнна в вы́шних,/ и мы Тебе́ вопиём:// благословéн Грядый во и́мя Господне.

Псалóм избранны́й:

Го́споди, Господь наш, я́ко чу́дно и́мя Твоё по всей земли./ Я́ко взятся великолéние Твоё превы́ше небес./ Из уст младе́нец и ссу́щих совершил еси́ хвалу́./ Враго́в Твои́х ра́ди, разруши́ши врага́ и ме́стника./ Запретил еси́ язы́ком, и поги́бе нечестивый./ Ка́мень, егóже небрего́ша зи́ждущии, сей бысть во главу́ у́гла./ От Го́спода бысть сей, и есть дивен во очесéх на́ших./ Господь в Сиóне вели́к, и высо́к есть над все́ми людьми́./ Та́мо сокруши́ крéпости луко́в./ Слы́ша и возвесели́ся Сион, и возра́довашася дщэ́ри Иуде́йския./ Возвести́ти в Сиóне и́мя Господне, и хвалу́ Его́ во Иерусали́ме./ Я́ко Бог спасёт Сиóна, и сози́ждутся гра́ди Иуде́йстии./ Тебе́ подобáет песнь, Бо́же, в Сиóне, и Тебе́ возда́тся моли́тва во Иерусали́ме./ Благословéн грядый во и́мя Господне, Бог Господь, и яви́ся нам./ Составите пра́здник во уча́ющих до рог

олтарёвых./ Во двóрех до́му Господня, посреде́ тебе́, Иерусали́ме./ Воца́рится Госпо́дь во век, Бог твой, Сио́не, в род и род.// Хвала́ Его пребыва́ет в век ве́ка.

Степéнна, глас 4: От юности моея́:

Прокимен, глас 4: Из уст младе́нец и ссу́щих/ соверши́л еси́ хвалу́.

«Воскресе́ние Христо́во» **не поется.**

Псалом 50:

Иерей, взяв кадило, кадит трижды заранее приготовленные ваия. Диакон: Гóсподу помóлимся. Лик: Гóсподи помíлуй. Молíтва на благослове́ние ваий:

Иерей кропит ваии святой водой,¹ с произнесением слов: Освяща́ются ва́ия сия́, окроплéнием воды́ сея́ священныя, во íмя Отца́ и Сы́на и Свята́го Ду́ха. Амíнь. (Трижды, а потом, на елеопома́зании, раздает ваии народу)

Лик: Глас 2:

Сла́ва Отцу́ и Сы́ну и Свято́му Ду́ху./ Днесь Христо́с вхо́дит во град Ви́фанию, на жребя́ти седя́й,/ безсловéсие разреша́я язы́к зле́йшее, // дрéвле свирéпеющее.

И ны́не и прíсно и во ве́ки веко́в. Амíнь./ Днесь Христо́с вхо́дит во град Ви́фанию, на жребя́ти седя́й,/ безсловéсие разреша́я язы́к зле́йшее, // дрéвле свирéпеющее.

Помíлуй мя, Бо́же:

Стихи́ра Праздника, глас 6:

Днесь благода́ть Свята́го Ду́ха нас собра́,/ и вси взéмше крест Твой гла́голем,/ благослове́н Гряды́й во íмя Господне, // осáнна в вы́шних.

Кано́н пра́здника, глас 4:

Песнь 1:

Яви́шася исто́чницы бе́здны,/ вла́ги неприча́стны,/ и откры́шася мо́ря волну́ющая основа́ния бу́рею,/ ма́нием бо запрети́л еси́ ему́,/ изря́дныя же лю́ди спа́сл еси́, // пою́щия побéдную песнь Тебе́, Гóсподи.

Катавасия пра́здника, тойже:

¹ Церковный Устав считает, что благословение ваий совершается через каждение и чтение молитвы. Никаких других действий он не указывает. Но у нас с давних пор вошло в обычай еще окроплять ваия святой водой. (Ср.: Настольная книга священнослужителя. Т. 4. С. 550.)

Песнь 3:

Точа́щий, краесекóмый повелéнием Твои́м,/ твѣрдый сса́ша Ка́мень из-
раи́льтестии лю́дие./ Ка́мень же Ты еси́ Христé, и Жíзьнь,/ на Нёмже утвер-
ди́ся Цѣрковь, зову́щая:// осанна, благословѣн еси́, Гряды́й.

Песнь 4:

Христóс гряды́й – я́вственно Бог наш,/ при́дет и не зако́снит,/ от горы́ при-
осенѣнныя ча́щи,/ Отрокови́цы ражда́ющия Неискусому́жныя,/ проро́к
древле глаго́лет./ Тем вси вопи́ем:// сла́ва си́ле Твоёй, Го́споди.

Песнь 5:

На го́ру Сио́н взы́ди, благовеству́яй,/ и Иерусали́му проповѣдуяй,/ в
крѣпости вознести́ глас:/ пресла́вная глаго́лается о Тебѣ, Гра́де Бо́жий.// Мир
на Изра́иля, и спасéние язы́ком.

Песнь 6:

Возопи́ша с веселием праведных дýси:/ ны́не ми́ру Завет Но́вый завеща́ется,
и кроплéнием да обновя́тся лю́дие,// Бо́жия кро́ве.

Конда́к пра́здника, глас 6:

На престóле на Небеси́,/ на жребя́ти на земли́ носимый, Христé Бо́же,/ Анге-
лов хвалéние и дете́й воспева́ние прия́л еси́, зову́щих Ти:// благословѣн еси́,
Гряды́й Ада́ма воззва́ти.

Песнь 7:

Спасы́й во огни́ Авраа́мския Тво́я о́троки,/ и халде́и убив,/ я́же Пра́вда
праведно уловля́ше,/ препе́тый Го́споди,// Бо́же отец на́ших, благословѣн еси́.

Песнь 8:

Весели́ся, Иерусали́ме, торжествуй́те любя́щии Сио́на:/ Ца́рствуй́ бо во
вѣки Го́сподь Сил при́де./ Да благоговѣет вся земля́ от лица́ Его́,/ и да во-
пиёт:// благослови́те вся дела́ Го́сподня, Го́спода.

На 9-й песни «Честнейшую» не поем, но сразу поем ирмос девятой песни.

Песнь 9:

Бог Го́сподь, и яви́ся нам./ Состави́те пра́здник,/ и веселя́щися прииди́те,
возвели́чим Христа́,/ с ва́иями и вѣтвymi, пѣсньми зову́ще:// благословѣн Гря-
ды́й во и́мя Го́спода Спа́са на́шего.

Свят Го́сподь Бог наш.